

# IBhayibheli LaBantwana Likulethela

## IPhasika Lokuqala



Ibhalwe ngu: Edward Hughes  
Kwabonakala ngu: Janie Forest  
Alastair Paterson  
Ifanekiswe ngu: Lyn Doerksen  
Itolikwe ngu: Goodwill Sithembiso Gwala  
Ikhiqizwe ngu: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada

©2021 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.

1

Wama uMama entabeni. kunomsindo,  
amehlo akhe agcwele  
ukweswaba, inhliziyo  
yakhe igcwele  
izinhlungu, ubukele.  
Indodana yakhe  
yayifa. UMama  
kwakunguMariya,  
wayeme eduze  
kwesiphambano  
lapho uJesu  
wayebethelwe  
khona.



2

Kwenzeka kanjani konke lokhu na? Ingaphela kanjani kabi kanje impilo kaJesu ebe aphila impilo enhle kanje na? Engavuma kanjani uNkulunkulu ukuba iNdodana yakhe ibethelwe esiphambanweni ifele khona? Ngabe uJesu wenza iphutha? Ngabe wahluleka uNkulunkulu?




3

Cha! uNkulunkulu akahlulekanga. UJesu akalenzanga iphutha. UJesu wayekade azi ukuba uzakubethelwa izoni esiphambanweni. Ngisho ngenkathi uJesu esayingane, indoda esikhulile ekuthiwa uSimeyoni yayike yamutshela uMariya ngalesikhathi esinezinhlungu ukuba siyeza.



4

Sekusele izinsuku ngaphambi kokubethelwa kukaJesu, kwafika owesifazane wathela izinyawo Zakhe ngamafutha anamakha anenani elikhulu. "Umosha imali," kusho kukhononda abasizi. "Wenze umusebenzi omuhle kakhulu," kusho kuphendula uJesu. "Wenzela umngcwabo wami." Amagama adidayo ngempela!



5

Emva kwalokho, uJuda Iskariyotho, oyedwa wabayishumi nambili baJesu, waya kubapristi abakhulu bamunika izinhlamvu zesiliva ezingamashumi amathathu ukuze adayise uJesu.



6

EPhasikeni lamaJuda, uJesu wadla kokugcina nabasizi bakhe. Wabatshela izindaba ezimnandi ngoNkulunkulu kanye nezithembiso zakhe kulaba abamuthandayo. Bese uJesu wabanika isinkwa kanye nenkomishi ukuba becazelane. Lokhu kwaku yisikhumbuzo kubona ukuthi umzimba kaJesu kanye negazi lakhe kuletha intethelelo.



7

UJesu watshela abangani bakhe ukuthi uzodayiswa, futhi bona bazobaleka. "Angeke ngibaleke mina," kusho uPetru. "Ngeke likhale iqhuda lamuhla ungakangiphiki kathathu uthi awungazi."




8

Ngalobo busuku, uJesu wahamba waya engadini yaseGetsemane wathandaza. Abasizi Bakhe bazumeka. "... asidlule kimi lesi sitsha. Nokho, kungabi njengokuba ngithanda mina, kodwa njengoba uthanda wena."



9

Ngokushesha kwafika uJuda Iskariyote ehamba nesixuku. UJesu akazange abhilinte, kodwa uPetru wagenca wanquma indlebe yendoda. UJesu walula isandla walapha indlebe yendoda. UJesu weyazi ukuthi ukuboshwa kwakhe kwiyantando kaNkulunkulu.



10

Isixuku samuthatha uJesu samusa kumpristi omkhulu, lapho kwakuhlangene khona ababhali namalungu, athi uJesu akafe. UPetru wahlala nezikhonzi emlilweni wabuka, efuna ukubona isigcino.



11

Kwaze kwaba kathathu abantu bethi kuPetru, "Nawe ubunoJesu!" Kwaze kwaba kathathu uPetru ephika, njengo kusho kwaJesu. UPetru waphika, wafunga, wazewathuka nenhlamba.



12


KI-KI-LI-KI-GI

Kusenjalo, lakhala iqhude. Kwaba sengathi izwi likaNkulunkulu likhuluma noPetru. Wayesekhumbula izwi likaJesu, wakhala.



13

NoJuda Iskariyote wazisola naye. Weyazi ukuthi uJesu wayengonile futhi engenacala. Wabuyisela izinhlamvu zesiliva ezingamashumi amathathu, kodwa abapristi abavumanga ukuzithatha.



14




Wayeseponsa  
izihlamvu zesiliva  
phansi ethempeli,  
wamuka -  
wazilengisa.

15




Abapristi baletha uJesu  
phambi kwaPilatu, umbusi  
wamaRoma. UPilatu wathi,  
"Ngimthola engenacala  
loMuntu." kodwa saloku  
simemezile isixuku,  
"Makabethelwe!  
Makabethelwe  
esiphambanweni!"

16



uPilatu esebona ukuthi akanakwenza  
lutho, wamnikela ukube abethelwe  
esiphambanweni. Ibutho lamushaya  
uJesu, lamuthimusela ngamathe,  
bese lamushaya ngeziswebhu.  
Bamenzela umqhele wameva  
bawufaka ekhanda Lakhe.  
Bese Bamubethela  
esiphambanweni  
ukuba afe.

17




uJesu weyazi ukuthi wayezofa ngololuhlobo.  
Futhi weyazi ukuthi ukufa kwakhe kuzoletha  
intethelelo kwizoni ezikhetha ukuthembela kuYena.  
Kwakukhona izigebengu  
ezimbili ezazibethelwe  
naye emaceleni. Oyedwa  
wayekholwa kuJesu - waya  
noJesu emBusweni. Lo  
umonye akazange.

18



Emva kwesikhathi eside  
esezinhlungwini, uJesu  
wayesethi, "Sekwenziwe,"  
bese wafa. Umsebenzi  
wakhe wawusugediwe.  
Abangani Bakhe  
bamungcwaba  
ethuneni  
elifihliwe.

19



Ibutho lamaRoma  
laginggela itshe  
elikhulu ethuneni  
bese baligada  
ithuna. Akekho  
owayezongena  
- noma aphume.

20

Ukube indaba iphela la,  
ngabe kuyadabukisa, Kodwa  
uNkulunkulu wenza into  
enhle kakhulu. uJesu  
akazange ahlale  
efile!



21

Kwathi ngosuku lokuqala  
lweviki, abanye babasizi  
baJesu bafika itshe  
lisusiwe ithuneni.  
Balunguza, uJesu  
wayengasekho.




22

Owesifazane wama ethuneni  
ngaphandle ekhala. UJesu  
waziveza kuyena. Wagijima  
wabuyela emuva egcwele  
injabulo eyobikela abanye  
abasizi. "UJESU UYAPHILA!  
UJESU UKUNQOBILE  
UKUFA!"



23

Maduze uJesu waziveza nakubasizi bakhe,  
wabakhombisa izibazi zezipikili ezandleni.  
Kwakuyiqiniso. UJESU UVUKILE,  
UYAPHILA! Wathethelela uPetru  
ngokumphika kwakhe, bese wathumela  
abasizi ukube batshela abantu ngaye.  
Wabuyela ezulwini, lapho aqhamuka khona  
ngokhisimusi wokuqala.



24

### IPhasika Lokuqala

Indaba evela kwiZwi laNkulunkulu, iBhayibheli,

Itholakala

Mathewu 26-28, Luka 22-24,  
Johane 13-21

"Ukwambulwa kwaMazwi Akho kuyakhanyisa."  
AmaHubo 119:130

25

Yaphela

54



60

26

Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:

Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16